

TV-Star

musik: t. garcia/text: t. garcia, m. garcia

si träumt fascht jedi nacht devo
dass si ergendeinisch gross werd usecho
het scho ontterricht im tanze gnoo
si cha singe, aber nome, wenn's niemer ghört
ond si wartet nor druuf, dass si entdeckt werd
dass de wend cheert, ond dass ändlich eri träum in erföllig gönd

erscht grad chörzlich be mtv
het si «'s fabelhafte läbe vo de paris» gseh
si luegt das, well si liebt die gschechte
us em chliine meitli werd en märlifee
eri frönde säge alli: «hey, mäld ti mol be sonere castingshow»!
doch si wössed ned, dass si das scho mol gmacht het
ond si si ned händ gnoo

si wär so gärn en tv-star, so schön, so riich ond onnahbar
nor es blinzle ond si chönnt alles ha
es wörded alli uf si stoh, ou ja
si wär so gärn en tv-star, so schön, so rich ond onnahbar

doch si merkt scho bald, so klappt das nie
si muss schöner wärde ond si weiss scho wie
jedes ässe dor de chopf lo goh
well im färnsee wärde nor di dönne gnoo
ond si wartet nor druuf, dass si entdeckt werd
dass de wend cheert ond dass ändlich eri träum in erföllig gönd

si wär so gärn en tv-star, so schön, so riich ond onnahbar
nor es blinzle ond si chönnt alles ha
es wörded alli uf si stoh, ou ja
si wär so gärn en tv-star, so schön, so rich ond onnahbar
champagner, jetset ond kaviar, eres läbe wäri wonderbar

doch si weiss, ergendeinisch werd si's schaffe
ond all die nüider wärde brüele, wo jetzt lache
si zieht nach hollywood ond esch nie meh allei
ond am ändi vo dere gschecht bringt si en oscar hei

si wär so gärn en tv-star, so schön, so riich ond onnahbar
nor es blinzle ond si chönnt alles ha
es wörded alli uf si stoh, ou ja
si wär so gärn en tv-star, so schön, so rich ond onnahbar
champagner, jetset ond kaviar, eres läbe wäri wonderbar

si wett so schön sii
echli berüemt sii
echli em färnsee cho